



Ofisina Sentral di Statistik

Informashon(+5999) 724 1802

WhatsApp: (+599 95202227)

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado

Willemstad, 29 yùli 2026

CBS ta presentá riba su wèpsait resultado di Enkuesta Forsa Laboral 2025

Willemstad, Ofisina Sentral di Statistik (CBS) Kòrsou ta presentá e publikashon ku resultado di e tema Labor for di Enkuesta Sosial 2025.

Enkuesta Forsa Laboral (AKO), ku CBS ta ehekutá tur aña, a wòrdu integrá den e Enkuesta Sosial (ES) na aña 2025. E preguntanan ku CBS ta usa kada aña pa e Enkuesta di Forsa Laboral ta inkluí den e tema **Labor** di e Enkuesta Sosial 2025. Enkuesta Sosial a wòrdu tené entre e lunanan di sèptèmber pa novèmber di aña 2025.

Meta di e enkuesta aki ta pa midi e desaroyonan mas resien riba merkado laboral, manera e sifra di desempleo, e nivel di partisipashon, e kantidat di habitante ku tin trabou i e kantidat ku ta buskando trabou.

Aki ta sigui algun resultado importante di nos Merkado Laboral pa aña 2025

- Entre 2024 i 2025 e **sifra di desempleo** a baha di 7.8% pa 5.1% respektivamente. Si mira e sifra apsolutu por mira ku tin un kantidat di 3.828 persona ku ta buskando trabou (desempleá). E bahada ta debí na un subida di 6.251 persona den e kantidat di personanan ku ta inaktivo.
- **Poblashon aktivo (beroepsbevolking)** na Kòrsou, esaki ta wòrdu definí komo e total di personanan ku ta empleá huntu ku esunan ku ta buskando trabou. E grupo aki a baha di 78.013 na 2024 te 74.807 persona na aña 2025. Esaki ta 3.206 persona menos. Tin un bahada den e total di personanan empleá i esnan ku ta buskando trabou.

- E total di **personanan empleá** a baha di 71.919 persona na aña 2024 te 70.980 persona na aña 2025. Kual ta un bahada di 939 persona.
- Tin un bahada tambe di e total di **persona ku aktivamente ta buskando trabou (desempleo)**. Esaki a baha di 6.094 persona na aña 2024 pa 3.828 na aña 2025. Kual ta un bahada di 2.266 persona. Segun definishon internashonal ku CBS ta usa pa por kompará sifranan di Kòrsou ku otro pais, por kalifiká un persona komo unu ku ta buska trabou solamente si e persona ta buskando aktivamente (solisitando) i lo por kuminsá denter di 2 siman si e haña un trabou.
- Sifra di **desempleo bou di hóben (15-24 aña)** a baha di 16.3% na aña 2024 pa 16.0% na aña 2025. E total di hóben (15-24 aña) desempleá entre 2024 ku 2025 a baha ku 618 hóben. Un grupo supstansial (41.7%) di e 16.0% di hóben desempleá aki ta bai skol òf ta sigui un curso, pero alabes ta a duna di konosé di ta buskando trabou, bou di kua posiblemente un trabou 'part-time'.
- **Entrada**
Entrada for di trabou òf negoshi ta e fuente prinsipal di entrada pa 48,4 porshento di e poblashon di 15 aña i mas. Siguiendo ku penshun di behes (AOV) ku 21,8 porshento. Ademas, 17,1 porshento no tin ningun fuente di entrada, miéntras ku 6,6 porshento ta dependé di penshun di APC, fondo di penshun privá òf penshun di dunadó di trabou. Pa 2,9 porshento di e poblashon, asistencia sosial ta e fuente prinsipal di entrada.

Riba wèpsait di CBS, www.cbs.cw por download e publikashon **“The Labour Force of Curaçao 2025: The Supply Side of the Labour Market”** for di unda por lesa tur e resultadonan detayá di e enkuesta aki.

CBS ke a gradisí tur e kasnan di famia ku a kontribuí na éksito di e enkuesta akí.

